

ET IS NIE ZO SPÄT

M: Hannes Schöner; Jens Streifling
T: Hannes Schöner

Keiner is esu wie der Andre
hät de Mamm jesaat
Jeder hät singe eijene Rhythmus
un sing Eijenart.
Wenn Dir einer säht, de Zick is knapp,
laach en einfach aan oder us.
Dat et off janzen anders kütt
hammer immer schon jewuß

**Et is nie zo spät,
äver, äver off zu fröh...
Irjendwann muß mer dat kapiere
Irjendwann un irjendwie
Et is nie zo spät
Äver, äver off zu fröh...
Kumm loß' Dir Zick,
bal is et suwigg
maach Dich nit verröck**

Ich hät manches verpass,
wör ärmer, hät et Levve verpennt
Hät ich Dich nit jesin
In däm eine, klitzekleine Moment.
Ne janzen koote Bleck, ich daach nur: Owei!
an Dir jeiht für mich keine Wääsch vürbei
Dat is Schicksal, dat is Kismet,
wenn mer sich direk erkennt

**Et is nie zo spät,
äver, äver off zu fröh...**

*Manchmol passiert et
Do kannst du nur laache vör Jlöck,
doch mer kann et nit zwingen,
muss waade bis dat et kütt*

**Et is nie zo spät,
äver, äver off zu fröh....**